

تاریخ عثمانی انجمنی

۱ بیان
۱۳۳۳

سکونجی سنه
نومبر ۴۳

مجموعہ سی

طفرای هایون

طفرای غرا، فرامین و بروات عالیہ و مکتوبات سنیده سلاطین آل عثمانک نشانه و علامت شاهانہ لریدر .

طفرای هایونک زمان و سبب احداثیلہ شکل معلومی حقندہ کی روایتلر مورخین بیتدہ هنوز متفق علیہ دکلدر .

بوابدہ اجالہ قلم ایستیرنلرک ایلکی موسیو هاممر و سوکنجیسی احمد مدحت افندی اولدیفندن بوابکی ذاتک روایتلرینی زیرہ عیناً نقل ایلہ بعدہ مطالعہ عاجزانہ می یازمق مناسب کورلشددر :

۷۶۷ هجری - ۱۳۶۵ میلادی تاریخندہ آدریاتیق دکزینک بر کورفرزندہ صافلانمش کبی کورینان وعصرلرجه حیلہ کارانہ و احتیاطکارانہ سیاستی سایہ بندہ کندینسی محافظہ ایتمش اولان راغوزہ جمهوریت صغیرہ سی عثمانلی پادشاهلرینک مقدرات عالیہ سی برنجی اولہرق کشف ایلہ کندینسی بالاخیار اونلرک حمایہ لری تحتہ وضع ایلدی راغوزہ ایلچیلری طرفندن اداره اولنان بومذاکراتک نتیجہ سی بر عہدنامہ بہ منجر اولمشدر. عثمانلرلہ بر خرستیان ملتی آرمندہ ایلک عقد اولنان بو عہدنامہ جمهوریتک مطاوعتی تصدیق ایلہ سنوی بشیوز دوقہ وبرکی مقابلندہ - فینہ لرینک شرق صولرندہ سربستی سیری و تجارتی ایجون پادشاهک حمایہ سی تأمین ایلوردی. عہدنامہ بی تصدیق زمانی کلنجہ مراد امضا ایتمسی بیلدیکندن الی مرکہ باتیرہرق - اوچ پارمنی اورتہدہ برلشمش وباش پارمنی ایلہ صیرچہ پارمنی آیزلمش اولہرق - عہدنامہ تک سرلوحہ نہ باصدی (۱) . بو صورت امضا (طغرا) مراد اولک احفادی

(۱) انکلك راغوزا تاریخى . ص ، ۱۴۱ موضوع بحث اولان عہدنامہ بزم کونمزده دخی راغوزا محزن اوراقدہ بولنقدہ در .

اولان پادشاهلرک جله سی طرفدن قبول اولمشدر . یالکز مؤخرآ خطاطلرک بوامضایی کرفت حروف ایله تزین ایدرک تخت سلطنتده بولنان پادشاهک اسنی شکل مخصوصده تحریر ایتشلردر . طغراجیزکیلرینک البوم تقلید ایتکده بولندی بوقبال باصه سنک اورته سنه پادشاهک و پدرینک اسیله (المظفر دائماً) وصفی وضع ایدلکده در . صوکره لری بوعلامتی فرمانلرک و براتلرک بالاسنه وضعه مأمور اولان خطاطنشانجی باشی عنوانیه منتشر دولت یاخود مهر سلطانینک محافظه سی خدمتی - که دولتک الک بیوک مأموریتلرندندر - حائر ایدی (۱) .

عین تاریخ و جلدک (۳۳۴) نجی صحیفه سنده مورخ طغرای بر نیجه به بکترتمک اوزره ایضاحات ویردکدن صکره «بوصورتله الانشانه سنک هیئت مجموعه سی (سلطان مراد بن سلطان اورخان المظفر دائماً) عبارده سنی تشکیل ایدر ، دیور .

وکذا عین تاریخ و جلدک (۳۷۳) نجی صحیفه سنده مذکور کتابی ترجمه بیورمق لطفنده بولنان محمد عطا بک اقتدی بوجه آتی بیاناتده بولنیور :

« سلطان مراد اولک عهدنامه یه ال باصمی کنسینک یازی ییلمدیکندن زیاده عهده اهمیت ویرمک مقصدینه مبنی اوله بیلیر . مهرله مک ، یاخود امضا قویق یرینه ال باصق البتدها واضح برنشانه تمهددر . کمال بکک عثمانلی تاریخنده ، ص ۲۸۷ بیان اولندی اوزره اوراق رسمیه یرینه نیجه باصق جنکیزخان زماننده ایجاد اولمش ایدی ، جنکیز الی قرمزی مرکبه باتیرر ، اوامرینک اوزرینه باصاردی ، حتی اول عصرلرده آل تمغا تعمیر منشور و برات معنانه قوللانیلیردی . ترجمه اهمیت ویریله جک خصوصات تاریخیه دن بری عهدنامه نک راغوزه اوراق سیاسی آرده سنده

(۱) محمد عطا بکک ترجمه بیوردقلری هاعمه رک (دولت عثمانیه تاریخ)

جلد ۱ ، کتاب ۵ ، ص ۲۱۵ - ۲۱۶ .

یولندیفی هامه رطرقندن خبر ویریلان اصلندن فطوغرافینی جلب ایتمکدر،
 احمد مدحت افندی مرحوم « مفصل تاریخ قرون جدید » نام
 تاریخنک برنجی جلدنده (۳۴۹) نجی صحیفه دن ابتداء طغرا حقنده
 معلومات ویرمکده ایسه ده بز (۳۵۳) نجی صحیفه سندن اعتباراً عیناً زیره
 نقل ایلدک :

« از جمله اکر سلطان مراد حضرتلری فرمانه فی الحقیقه پنجه لرینی
 باصمشر ایسه ایلدک حرکت طبعیه صاغال ایله پنجه باصنی اقتضایلدیکی
 حالده طغرا لک وضی صول ال ایله پنجه باصلمش کی بر صورت کوسرتمکده در.
 هله « طغرا » لفظی عثمانیلردن اول دخی مستعمل اولدینی البته شرقیه به
 واقف اولانلرک کافسی نزدنده محققانددر .

« طغرا » دیه یرلیغ پادشاهانک تصدیقه دائر اولان اشارته دینلدیکی
 سلطان سلجوقی طرفندن غازی عثمانه طبل و علم ارسالنه دائر تطبیر
 بیوریلان و بوضورتی حاشیه لرمز میانه ادخال ایدیلان منشورده « هر
 صاحب زمان بر صاحب قرائنک یرلیغ بلیغ عنوانی (ان الارض ...)
 طغرایله مزین ۲۲ عباره سندن استدلال اولندیفی کی لسان ترکی وفارسی
 و عربی قاموسلرینک اوچنه کوره دخی بو حقیقت بویله در. اولا احمدوفیق
 پاشا حضرتلرینک بزجه قیمتی شایان استشهاد درجه سنده اولان « لهجه
 عثمانی » لرینه مراجعت ایده لم: طغرا فقره سنده دیورلرکه : « ترکیده
 توغرا تورغا طوغرول تعریب ایله طغردینور . فارسیده طوغری و طغری
 ایکی قنادی آچیق طوغان یا خود قرتالدر . نشان خاقانی اتحاد اولنمشددر.
 اوغوزلر خاقانینک نشانی . ایسته بالکز بوقیددن آکلاشیلیورکه طغرا
 عثمانیلردن یک اول یک قدیم اولوب حتی اوروپالیرک قرتال قوشنی
 علامت شوکت و حکومت عدایتملری بیله شرقی تقلید یولنده وقوعه گلش
 برعادتدر. احمدوفیق پاشا حضرتلرینک شو افاده لرینی فرهنگ دخی شو
 وجهله تصدیق و تأیید ایله : « طغرا سکون غین معجمه وفتح راه مهله

ایله حکم پادشاهی و فرمان شهریاری اولنده اولان القاب و نشانه دیرلر..
حکیم خاقانی :

بدست همت طفرای بی نیازی دار
که هر دو کون بوداری چو داری این طفرای

و میر نظمی :

از منع خداست آن دو ابرو
طفرای لطیف حسن دلجو

و القابکه عنوان منشورده یازیلور. »

قاموس دخی « طفر » ماده سنده شویله سویلر: « بر قوش آدیدر .
جعی طفران کلور. ظاهر آ ترکیده (طویفار) آندن محرفدر. شارح
دیرکه بوماده به ملایم اولان طفرای کله سی اعجمی به در. مناشیر سلطانیه اوزره
مرسوم علامت مخصوصه دن عبارتدر که سلطانک اسم و لقبی متضمن اولور. »
ایضا حاکم بودرجه سی البته قارئلر مزده دخی بر اطمینان نام حاصل ایتشدر که
طفرای دنیلان شی سلطان مراد حضر تترینک امی اولملری و (را کوزه) به
ویرد کلری ایلک معاهده فرماتی بشقه درلو تصدیقه مقتدر بولنه ماملری
اوزرینه پنجه لرینی کاغد اوزرینه باصویر مرش اولملری مناسبیله ایجاد اولنش
دکل، بلکه عثمانیلردن پک چوق مقدم و حتی اسلامدن بیله اول اوغوزلر
خاقانک بویولده کی نشانلرینه طفرای دنیلمشدر. زیرا بر کله ترکیه اولای
فارسی به انتقال ایدرک اولسانک کندی مالی اولوق درجه سنده یرلشور
قالورده بعده قاموس تألیف اولندی فی زمان دخی کله مذکوره بالتحریف
تعرب ایتش کوریلور ایسه قدمک بودرجه سی البته ظهور اسلامدن
اوله قدر وارر. »

طفرای حقنده ایکی بیوک و معتبر تاریخک یوقاری به نقل ایلدیکمز
فقره لرندن آ کلاشیلیور که، مورخ هانمیر طفرای شکلک پنجه مرادیدن
ماخوذ بر شکل اولدیفنه قائمدر .

احمد مدحت اقدی مرحوم ده لهجه عثمانیک طفر اگله سنده کی معلومه
ستناد ایله شکل مزبورک بر قارنال تصویرندن عبارت اولسی لازمکه جکی
زعنده در .

شو ایکی مخالف روایت حقنده کی مطالعه عاجزانه مه کلنجه :
طفر مورخ هائمه رک یازدینی کبی سلطان مراد خان اول عهدنده
ترتیب ایدلشدر . کرچه سلطان مشارالیه ایله مخدوم مکرم لری سلطان
بایزید خان سک لری اوزرنده هنوز شکل طفرایه تصادف ایدلامشده
معاصر لرندن صاروخان اوغلی (اسحاق بن الیاس) بکک بویه برشکی
حاوی سکسی کورلش اولمندن (۱) خداوندکار سلطان مراد خان
زمانده طفر شکلک شایع و مرسوم اولدینی استدلال طریقله
آکلاشیلیمقده در .

خداوندکار عهدنده کی فتوحات متادیه و سربیه حسیله متحقینه
احسان بیوریه جق براتلر و سائر اراده واذن هایونلری لاحق اولدینی
معلوم اولسی لازمکلان اوراق بالانه وضع و تحریر ایدیه جک بر نشان
عالیشان و علامت شریفیه احتیاج جس ایدلیکی بر زمانده بونک قوه دن
فعله اخراجنه هائمه رک روایتی کبی راغوزه جمهوریتیه احسان بیوریلان
حمایه فرمانی وسیله حنه اولشدر . صدارت عظمی مند جلیلی تحت
ایتمزدن یدی سه مقدم راغوزه لیلرک لسانی اوزره یازیلوب احضار ایدلش
اولان حمایه فرمانک زیرینی کیمک تصدیق و یا تمهیر ایدلیکی بم ایچون
مجهولدر . فقط فرمان حضور شاهانه ده مذکور جمهوریتک سفیرنه تسلیم
ایدلیکی زمان کندی حکومتلرینک اوراق مهمه رسمیه سنده کوردیکی
کبی یوفرمانک بالاسنده دولت آرمه سی کورمه مدیکندن رئیس جمهورک

(۱) مذکور سک « تقویم مکوکات سلجوقیه » ده (۱۷۶) نومروده
کوسترلشدر . تاریخی (۷۷۶) اولدیفنه نظراً طفر احداث اولندیفتدن طغوزسنه
سکره ضرب ایدلشدر . سکه ضربخانه عامره مکوکات موزه سنده در . بر عددی ده
انکلتزه موزه سنده بولمقده در .

احسان بیوریلان پو فرمانی رسمی عد ایدمه جکندن اندیشه ایتدیکنی
عرض ایلمی اوزرینه سلطان مراد همان بر الینی مرکلیوب فرمانک
بالاسنه باصرق بر نشان خاقانی تشکیل بیوریورمش یاخود عثمانلیلرجه
عادت قدیمه دن اولدینی اوزره یالکتر بر بارمغنی باصش ویا هیچ بویله بر
تمغا اوئیوب حضور شاهانه ده بختی جریان ایلمشدر . والحاصل سفیر
امضای هایونی دکل، آرمه عثمانی بی آرامشدر . وقعه نک طوغریبی بویله در .
بونی اثباته حاجت بیله یوقدر . چونکه وقعه بی متعاقب ساحه ظهوره طغرا
چقمشدر .

آرمه نصل بر خاندان قدیمک علامت مخصوصه سی ایسه طغرا ده
خاندان معالی عنوان آل عثمانک نشان خصوصیتی و دولت علیه لرینک
علامت مخصوصه سیدر .

احدائی زماننده کی اسمنک (نشان) اولسی ده بونی مؤیددر . علامت
لفظی نشان کله نک مترادفیدر . حتی بعض اراده مهمه لرینک صوکنده
» شویله بیله سین و علامت شریفه مه اعتماد ایله سین « بیوریلور .
اوائلده طغرا جیلرک رتینه (نشانچی) و قلمنه بوکون بیله (نشان
قلعی) دینلمسی طغرا نک نام قدیمی بزه اوکر تمکده در (۱) .
- مابعدی وار -

علی

(۱) عثمانلی قانوننامه لری ، توقیی عبدالرحمن پاشانک . (ملی تبیلر مجموعه سی)